

**Aningaasaqarnermut Ataatsimiititaliap suliaq nr. 01.31.06/08-00364 pillugu tallimangornermi ulloq 15. august 2008-mi aalajangiinera pillugu Naalakkersuisunut ilisimati tsineq.**

(Naalakkersuisut siulittaasuata ulloq 6. august 2008-mi aalajangiinerani nr. 3)

**Sisimiuni Sanaartornermik Ilinniarfimmud pequtit IT-mullu atortut**

Naalakkersuisut **inassutigaa**,

- kontomi pingaarnermi 80.00.01-imi, Nuussinissanut sillimmatinut tunngasumi, aningaasaliissutit 5.200.000 koruuninik ikilineqassasut

- Kontomi pingaarnermi 84.40.09-mi, Inuussutissarsiutitigut Ilinniarfitaanernut tunngasumi, suliamut nr. 080.51.006-imut, Sisimiuni Sanaartornermik Ilinniarfiup allilerneqarneranut allangortiterneqarneranullu tunngasumut, aningaasaliissutit 5.200.000 koruuninik amerlineqassasut.

**Aningaasaqarnermut Ataatsimiititaliap oqaaseqaatai**

Sisimiuni Sanaartornermik Ilinniarfiup illutaanut nutaamut pequtinik IT-mullu atortunik pisinissamut 5,2 mio. kr.-it Naalakkersuisut suliami matumani qinnutigaa. Allilerinermi aningaasartuutissat killilersimaarneqarnissaat siunertaralugu atortunik taakkuninnga pisinissamut aningaasartuutissat pilersaarummut tamakkiisumik aningaasaliissutinit 2005-imi peerneqartut qinnuteqaammi takuneqarsinnaavoq. Tamatumani neriuutigineqarsimalluni aningaasartuutit taakku allatigut matussuserneqarsinnaassasut, tamannali ajornarsimavoq.

Tamanna naapertuutinngilluinnartutut ataatsimiititaliamit isigineqarpoq. Taamatut periuseqarnerup nalinginnaalinnginnissaa Aningaasanut Naalakkersuisup piffissaagallartillugu qulakkiissa gaa ataatsimiititaliamit aamma naatsorsuutigineqarpoq.

Pissutsit maannatut itsillugit aningaasaliissuteqarnissamik qinnuteqaat allatut ajornartumik akuersissutigineqartariaqartutut ataatsimiititaliamit isigineqarpoq. Ataatsimiititaliali kissaatigaa aningaasalersuutaasinnaasunik allanik nassaarniarluni misissuinerit sorpiaat Naalakkersuisunit ingerlanneqarsimanersut erseqqissumik nassuiaatigineqassasoq.

**Aningaasaqarnermut Ataatsimiititaliap aalajangiinera**

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Naalakkersuisut akissuteqaataat kalaallisut danskisullu ullumimit sapaatit akunneri pingasut qaangiutsinnagit nassiateqquneqarpoq elektroniskimillu nuutinnera uunga nassiateqquneqarluni:  
[nch@gh.gl](mailto:nch@gh.gl)

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua